

সিডর

এ কেমন চোখ তোর রাক্ষসী বন্
যে চোখের আগুনে পুড়ে ছারখার
হলো কত অবুজ শিশুর দল ।
নিমিষেই মুছে গেল কত প্রেয়সীর সিঁদুর
অকালে বারলো
কত না ফোটা ফুল !
রেহাই পেল না
বনের পশু
ফসলের ক্ষেত ।
বুভুক্ষু রাতে
নৃত্যের তাণ্ডবে
রক্তাক্ত হলো কত সন্তান সম্ভবা মা ।
নরখাদক !
এতগুলো জীবন নিলি
অথচ বেঁচে আছিস তুই-ই!
তোর বিষাক্ত লালা থেকে রেহাই পায়নি
পুকুরের মাছ , গাছের পাখি আর
আমাদের ছোট ছোট স্বপ্নগুলোও ।
হৃদয়হীন তুই
মৃত্যুকে করেছিস পেশা
ধ্বংসই হয়েছে নেশা !
তোর জন্যেই আজ
পিতার কাঁধে সন্তানের দুর্বহ লাশ
সন্তানের কাঁধে মায়ের বে-আব্রু লাশ
ধানের ক্ষেতে
শকুনের পেটে
মাছের উদরে
গাছের চাপায় এতো এতো লাশ !
চারিদিকে লাশের হাট
লালাভর্তি বিষাক্ত ফসলের মাঠ
হায় সিডর ,
তোর কারনেই আজ খাঁ খাঁ বুক
চারিদিকে অন্ধকার শুধু ।

-মোহাম্মদ দানেশ হাওলাদার

